


# sirkus

2. mars 2007

Bankamaðurinn **Ármann Þorvaldsson** keypti framtíðarhúsnæði á Íslandi og borgaði 92 milljónir fyrir villu í Laugarási. **BLS. 2**



**Birta Björnsdóttir**

# DRAUMURINN AÐ LIFA Á FATAHÖNNUN

## Flottir gemsar

**Simabær**

**Besta  
verðið**

**Sértilboð**  
Heymartól og neyðarhleðsla sem hleður simann með 9V rafhlöðu fylgir frítt með Nokia simunum í mars.

Kr. 4.995.-

Nokia 1112



Kr. 6.995.-

Nokia 2310



Kr. 9.995.-

Nokia 6060



Kr. 18.995.-

Samsung E-380



Kr. 22.995.-

Nokia 6131



4 litir í boði

Simabær - Síðumúli 31 - Reykjavík - 533-2700 - [www.simabaer.is](http://www.simabaer.is)

# fréttir

## Heyrst hefur



### Hagnaðist um milljarða og keypti sér Porsche

Fjárfestingafélagið Milestone, sem er í eigu systkinanna Karls, Steingríms og Ingunnar Wernersbarna og er til að mynda annar stærsti hluthafi Glitnis, hagnaðist um rúman 21 milljarð á síðasta ári en félagið birti ársreikning sinn fyrir árið 2006 fyrir skömmu. Þessu þótti rétt að fagna og fór **Ingunn** í síðustu viku og festi kaup á einum Porsche Cayenne Turbo, rétt rúmlega 500 hestafli kvikindi. Sem er ekki skrytið þar sem hún hefur viðurkennt í viðtali að ástin á Porsche sé einn af hennar helstu veikleikum.



### Árshátíðarslagur í Hafnarfirði

Það verður nóg um að vera í Hafnarfirði næstkomandi laugardag. Þá mun lyfjarisinn Actavis halda árshátíð sína í íþróttahúsinu að Ásvöllum og Hafnarfjarðarbær heldur sína árshátíð í Kaplakrika. Athyglisvert er að skoða að **Róbert Wessman** og fyrirtæki hans Actavis heldur árshátíð sína á heimavelli Hauka að Ásvöllum jafnvel þótt fyrirtækið sé helsti styrktaraðili Íslandsmeistara FH í fótbolta en Hafnarfjarðarbær heldur sína á heimavelli FH-inga jafnvel þótt bæjarstjórnin **Lúðvík Geirsson** sé fyrrverandi formaður Hauka.



### Elfar selur B5

Athafnamaðurinn **Elfar Aðalsteinsson** hefur selt hið vinsæla kaffihús sitt B5 í Bankastræti. Staðurinn hefur notið töluverðra vinsælda frá því að hann var opnaður og var kaupverðið um 30 milljónir. Það var



enskur viðskiptajöfur sem keypti kaffihúsið í slagtogi við Óskar Einarsson sem ku ekki vera þekktur í íslenska veitingabransanum.



FRAMTÍÐARHEIMILI Í LAUGARÁSNUM Það mun væntanlega ekki væsa um **Ármann** og **Þórdís** á Dyngjuveg-inum þegar þau ákveða að flytja heim frá Bretlandi.

## BANKAMAÐURINN ÁRMANN ÞORVALDSSON KAUPIR FRAMTÍÐARHÚSNÆÐI Á ÍSLANDI

# Borgaði 92 milljónir fyrir villu í Laugarási

**N**ei, nei, við erum ekki á leiðinni heim á næstunni," segir **Ármann Þorvaldsson**, forstjóri Kaupþings í Bretlandi, en hann og eiginkona hans, badmintonstjarnan fyrrverandi **Þórdís Edwald**, festu nýverið kaup á tæplega 350 fermetra einbýlishúsi á Dyngjuvegi í Laugarásnum sem er með stórfenglegu útsýni yfir borgina. **Ármann** og **Þórdís** borguðu 92 milljónir fyrir húsið en seljendur eru **Björg Kofoed-Hansen**, ekkja **Agnars Kofoed-Hansen**, fyrrverandi lögreglustjóra í Reykjavík og flugumferðarstjóra, og dótturdóttir hennar, **Irene Lyberopoulos**. **Ármann** og **Þórdís** hafa undanfarin ár búið í Bretlandi þar sem **Ármann** hefur stýrt starfsemi Kaupþings þar í landi og er nú forstjóri bankans Singer & Friedlander, sem er í eigu Kaupþings.

**Björg Kofoed-Hansen** segir í samtali við **Sirkus** að hún eigi eftir að sakna hússins mikið en kannski sérstaklega útsýnisins sem sé stórbrotið. „Mér finnst það alla vega æðislegt," segir **Björg**, sem er orðin 89 ára og ætlar að flytja í minni íbúð áður en hún fer inn á elliheimili, eins og hún orðar það sjálf.

**Ármann** vill ekkert tjá sig um húsið eða fyrirætlanir þeirra hjóna með það en **Björg Kofoed-Hansen** segir að húsið, sem var byggt árið 1950, sé að miklu leyti í upprunalega ástandi. Það má því búast við því að húsið verði tekið í gegn í heilu lagi þegar **Ármann** og **Þórdís** fá það afhent 1. maí næstkomandi.

Fyrir eiga þau **Ármann** og **Þórdís** glæsilega íbúð í Skuggahverfinu, nánar tiltekið á Vatnsstíg 21. Sú íbúð er tæplega 165 fermetrar á stærð og er á 11. hæð. Heimildir **Sirkuss** herma að sú íbúð verði ekki seld þrátt fyrir kaup hjónanna á einbýlishúsinu á Dyngjuvegi.

**Ármann** hefur vakið mikla athygli undanfarin ár fyrir stórglæsilegar nýársveislur sínar í London. Í fyrra fékk hann **Tom Jones** til að taka nokkur lög fyrir gesti sína en í ár gerði hann enn betur og bauð upp á sjálfa **Duran Duran**.

oskar@frettabladid.is



ATHVARF Í SKUGGAHVERFINU **Ármann** og **Þórdís** eiga glæsilega íbúð á 10. hæð í þessu fallega húsi við Vatnsstíg. Svo skemmtilega vill til að Kaupþing á hina íbúðina á hæðinni.

FLOTTUR **Ármann Þorvaldsson** keypti hús í Laugarásnum fyrir 92 milljónir og lét sig síðan ekki muna um að punga út nokkrum tugum milljóna fyrir **Duran Duran** í árlegrri nýársveislu sinni.

## Handcrafted for Bubbi Morthens



Gítarinn var smíðaður hjá **Martin-fyrirtækinu** sem er með aðsetur í **Nasaret** í **Pensylvaníu** í **Bandaríkjunum**.

**Þ**etta er besti gítar sem ég hef átt. Það er bara þannig," segir **Bubbi Morthens** um nýja sérsmíðaða **Martin-kassagítarinn** sem hann keypti fyrir skömmu. **Martin-gítararnir** þykja þeir bestu í heimi en gítarinn hans **Bubba** er einstakur. „Þetta er **Rollsinn** í gítarum – eins og að fá handsmiðaðan bíl. Það var engin maskína sem smíðaði gítarinn," segir **Bubbi** sem á fyrir þrjá aðra **Martin-kassagítara**, einn **Gibson** og einn **Ovation**.

En ný gítarinn er einstakur. **Bubba** hafði lengi langað í hann og lét svo tilleiðast. Og þá var engu til sparað. Gítarinn var byggður upp frá grunni. Viðurrinn sérvallinn og þurrkaður í þrjátíu ár áður en hafist var handa við að sníða í hljóðfærið og það sérstaklega fyrir **Bubba**. Og það má líka lesa á gítarinn: „Handcrafted for **Bubba Morthens** by **Martin**" stendur inni í hljóðfærinu og á hálsinum með perlumóðu innleggi: „**Bubbi**".

„Nýi gítarinn er alveg ofboðslega góður – hann er einstakur. Ég held

**Bubbi Morthens** hefur spilað stoltur á gítarinn enda sérsmíðaður fyrir hann af besta gítarframleiðanda heims.



meira að segja að þetta sé eini gítarinn í Skandinavíu og jafnvel sá eini í þessum flokki í Evrópu," segir tónlistarmaðurinn stoltur enda kostaði gítarinn sitt. „Hann kostaði marga hundrað þúsund kalla. Það kostar sitt að eiga gott hljóðfæri," segir **Bubbi** en samkvæmt heimildum **Sirkuss** kostaði gítarinn í kringum eina milljón.

**Andrés Helgason**, eigandi Tónastöðvarinnar, sem var milli-

göngumaður **Bubba** um gítarinn, leynir ekki aðdáun sinni á hljóðfærinu. „Þetta er æðislegur gítar. Gjörsamlega geggjaður," segir **Andrés** sem hefur haft milligöngu um kaup á fleiri gítörum þótt þeir séu ekki í sama flokki og gítarinn hans **Bubba**. „Það hefur færst í vöxt að íslenskir tónlistarmenn láti smíða fyrir sig gítara og það er mjög ánægjulegt að geta boðið upp á svona þjónustu," segir **Andrés** í Tónastöðinni.

**SAMBÍÓIN**

**25 ára**

**– til hamingju!**

Emmessís óskar Sambíóunum til hamingju með þau 25 ár sem þau hafa glatt kvikmyndaunnendur. Fyrirtækin hafa átt ánægjulegt samstarf undanfarin ár og bíógestir notið þess með svalandi og ljúffengum ís frá Emmessís.

Njóttum lífsins – förum í bíó og fáum okkur Emmessís!



# fréttir

## ■ Heyrst hefur



ÍSLENSKU AUGLÝSINGAVERÐLAUNIN

### Lúðrahátíð í kvöld

Það verður allsherjar veisla hjá starfsfólki í auglýsingageiranum í dag og í kvöld þegar Ímark-verðlaunin verða afhent með pomp og prakt á Hótel Nordica. **Íslenska auglýsingastofan** fékk flestar tilnefningar til lúðra en svo eru verðlaunin sem veitt eru nefnd, í ár, eða níttján talsins. Þar á eftir kemur Auglýsingastofan

### Jónsson og Lemacks

með fjórtán tilnefningar. Mikil spennan er annars í öllum flokkum nema í flokki útvarpsauglýsinga en þar hefur



Jónsson & LeMacks þegar tryggt sér einn lúður enda hreppti stofan allar tilnefningarnar fimm í þeim flokki. Eigendur stofunnar, **Viggó Jónsson, Agnar Tr. LeMack og Hilmar Þ. Hilmarsson**, eru því eins og gefur að skilja í skýjunum yfir tilnefningunni enda aðeins tvö ár síðan stofan var opnuð.



### Sýnt frá fæðingu

Sjónvarpsþátturinn **Fyrstu skrefin** hefur aftur hafið göngu sína á **Skjá einum**. Þættirnir vöktu nokkra athygli fyrir ári síðan, ekki síst hjá verðandi foreldrum, og var meðal annars tilnefndur til Edduverðlaunanna. Hin margreynda fjölmiðlakona **Guðrún Gunnarsdóttir** stýrði þáttunum í fyrria en hún hefur söðlað um og stýrir nú helgarútvarpinu ásamt **Felix Bergssyni** leikara. **Sigurlaug M. Jónasdóttir** hefur tekið við stjórninni af Guðrúnu en hún er einnig margreynd fjölmiðlakona. Sigurlaug á



ekki langt að sækja hæfileikana enda dóttir Jónasar Jónssonar útvarpsmanns. Fyrstu skrefin hófu göngu sína í fyrradag en seinna í þáttaröðinni verður sýnt frá fæðingu.

### Hrafninn með bönkunum

**Ingví Hrafn Jónsson** er kominn á fullt með sjónvarpsstöðina sína **Ísland nýjasta nýtt** sem send er út á Netinu, Breiðbandinu, ADSL Símans og gegnum stafræna lykka 365. Ingví Hrafn á í samstarfi við fyrirtækið Mentis um að senda út efni í sjónvarpstæki landans en fyrirtækið er í eigu Glitnis og Tölvumiðstöðva sparisjóðanna. Mentis sendir út efni undir heitinu Fjármálasjónvarpið en eins og nafnið gefur til kynna beinir sjónvarpsstöðin sjónum sínum að fjármálamarkaðinum. Hugmyndin með samstarfi Ingvá Hrafn og Mentis er að á milli upplýsinga um fjármál verði innslög frá Íslands nýjasta nýtt og má bóka að þar verði allt látið flakka enda Ingví Hrafn þekktur fyrir allt annað en að liggja á skoðunum sínum.



## ANDREA BRABIN OG KEMUR ÍSLENSKUM FYRIRSÆTUM AÐ Í BOLLYWOOD

# ESKIMÓARNIR GERA ÞAÐ GOTT Á INDLANDI

Það hefur verið mjög mikið að gera hjá okkur á Indlandi. Við erum með í kringum þrjátíu indversk módel á samningi hjá okkur og álíka mörg „freelance“ módel,” segir Andrea Brabin, einn eigenda módelskrifstofunnar Eskimo sem hefur verið að gera góða hluti á Indlandi undanfarið. Fyrirsætur á vegum Eskimo hafa prýtt forsíður hinna ýmsu tímarita þar í landi, setið fyrir í auglýsingum og leikið í Bollywood-myndum svo fátt eitt sé nefnt. „Svo erum við með sex til tólf íslenskar fyrirsætur úti. Þær dvelja úti frá tveimur mánuðum og alveg upp í eitt og hálf ár.“

„Sigríður Hrönn hefur t.d. fengið tvö veigamikil hlutverk í bíómyndum á Indlandi á síðastliðnum tveimur árum. Svo erum við að lesa tvö önnur handrit fyrir hana og erum að meta hvort þetta séu rétt hlutverk fyrir hana,” segir Andrea sem vill þó ekki meina að aðstandendur Eskimo séu að verða ríkir af öllu bröltinu á



Tinna Bergs og Sigríður Hrönn hafa slegið í gegn á Indlandi.



Andrea Brabin og Unnur Birna láta fara vel um sig á Indlandi. Að sögn Andreu hefur Íslendingunum líðið vel þar enda eiga þeir margt sameiginlegt með Indverjum.

### Íslenskar stúlkur í Bollywood

Að sögn Andreu eru íslensku stelpurnar eftirsóttar á Indlandi. „Þær þykja mjög duglegar og það er gott að vinna með þeim. Síðan eiga Íslendingar og Indverjar eitthvað sameiginlegt. Það er erfitt að segja hvað það er en okkur hefur líðið mjög vel þarna úti – bæði fyrirsætunum og okkur sem reukum skrifstofuna.“

Sigríður Hrönn Guðmundsdóttir, Tinna Bergsdóttir og Heiða Rún Sigurðardóttir hafa slegið í gegn sem fyrirsætur á Indlandi.



Heiða Rún Sigurðardóttir er ein af íslensku fyrirsætunum sem hafa slegið í gegn á Indlandi.

Indlandi. „Þó að vel gangi þá verður enginn ríkur af því að reka módel-skrifstofu eina og sér. En það er hins vegar þannig að þegar þú kemst inn í þennan „celebrity“ heim á Indlandi þá opnast margar dyr að stórum samningum. Það er til dæmis samasem-merki á milli þess að vera fyrirsæta og leikkona í Bollywood því ef þér vegnar vel sem fyrirsæta færðu oft tilboð um að leika í bíómyndum. Svo er það hins vegar spurning hvort fólk geti leikið,” segir Andrea og tekur dæmi af fyrirsætunni Heiðu Rún sem hóf leiklistarferilinn þar ytra. „Hún byrjaði ferilinn á að leika í auglýsingum á Indlandi. Nú er hún á leið í leiklistarskóla í London og með samning við ICM umboðsskrifstofuna sem er ein sú stærsta í heimi.“

### Miklar breytingar á Indlandi

„Við förum út á tveggja til þriggja mánaða fresti og það eru gríðarlega hraðar breytingar að verða á Indlandi. Þar spretta verslunarmiðstövar og bíóhús upp eins og gorkúlur og annað sem hefur ekki þekkt þar áður. Ég er mjög ánægð með að við höfum farið þar inn, og á hárréttum

tíma,” segir Andrea. „Það eru endalaus tækifæri á Indlandi en það er margt að varast og fólk má heldur ekki láta glepjust og höfum við lært ýmislegt af okkar starfsemi þar í landi undanfarið tvö ár.“

Andrea segir að hún og meðeigandi hennar í Eskimo, Ásta Kristjánsdóttir, hafi frá byrjun horft á stóru myndina. „Við höfum frá byrjun séð Eskimo sem miklu meira en umboðsskrifstofu og höfum unnið markvisst að því að gera nafnið þekkt öllu því sem tengist tísku og glamúr með það í huga að byggja upp vörumerkið Eskimo. Síðastliðið ár höfum við unnið að því að þróa hugmyndir að fatalínu og snyrtivörum,” segir Andrea. Fyrstu prufur af fatalínu Eskimo undir nafninu E-wear munu koma til Íslands á næstu dögum.


## Með Súpermantattú á upphandleggnum

Margir þekkja Jón Þór Ólason undir heitinu hinn íslenski Clark Kent enda sláandi líkur hliðarsjálfi Súperman, eða Stálmannsins eins og hann hefur verið nefndur á íslensku. Færri vita hins vegar að Jón Þór skartar merki Stálmannsins á upphandleggnum og hefur gert um árabíl. Glöggir gestir World Class í Laugum tóku eftir húðflúrinu á upphandleggnum en Jón Þór lyfti lóðum þar um tíma. Jón Þór vildi sem minnst tjá sig um húðflúrið þegar blaðamaður Sirkuss leitaði til hans. Neitaði í raun alfarið að tjá sig um það.

Þótt Jón Þór sé sláandi líkur Clark Kent starfar hann ekki sem blaðamaður eins og sá síðarnefndi heldur

sem lögfræðingur hjá ríkissaksóknara. Jón Þór starfaði einnig um skeið sem lögfræðingur hjá dómismálaráðuneytinu og kom fram fyrir hönd V-dagsins fyrir nokkru. Jón Þór á ekki langt að sækja hæfileikana enda sonur fréttahauksins Óla Tynes sem flutt hefur fréttir á Stöð 2 um árabíl og stjórnaði sínum eigin þætti á hinni sálugu sjónvarpsstöð NFS. Clark Kent og Stálmaðurinn eru hins vegar afkvæmi þeirra Jerry Siegel og Joe Shuster sem hafa skrifað og skreytt nokkrar sögur um þá félagi.

Jón Þór Ólason lögfræðingur er sláandi líkur Clark Kent, hliðarsjálfi Stálmannsins. Ekki spillir fyrir að hann ber merki Stálmannsins á upphandleggnum.



# Þín ákvörðun, þín leið, þitt Nicorette



- Mjúkt að innan
- Stökkt yfirborð
- Frískandi bragð
- Gómsæt blanda af ávöxtum og myntu
- Bragð sem kemur á óvart



# 25%

afsláttur af Fruitmint

[www.nicorette.is](http://www.nicorette.is)

Nicorette nikótínlyf eru fánleg án lyfseðils og eru notuð þegar reykingum er hætt eða þegar dregið er úr reykingum. Til að ná sem bestum árangri skal ávallt fylgja leiðbeiningum í fylgiseðli. Skammtar eru einstaklingsbundnir eftir því hve mikið er reykt, hvort hætta á reykingum eða draga úr þeim. Því ber að kynna sér upplýsingar um notkun í fylgiseðli. Í fylgiseðlinum eru upplýsingar um: verkun og notkun, varúðarreglur, mikilvægar upplýsingar sem nauðsynlegt er að lesa áður en lyfin eru notuð, hugsanlegar aukaverkanir og aðrar upplýsingar. Leiðið til læknis eða lyfjafræðings ef þörf er á frekari upplýsingum um lyfin. Þeir sem fengið hafa ofnæmi fyrir nikótíni eða öðrum innihaldsefnum lyfsins, nýlegt hjartaáfall, óstöðuga versnandi hjartaöng, alvarleg hjartsláttarglöp eða nýlegt heilablóðfall eiga ekki að nota Nicorette nikótínlyf. Börn yngri en 15 ára, þungaðar konur og konur með barn á brjósti eiga ekki að nota Nicorette nikótínlyf nema að ráði læknis. Lesið allan fylgiseðilinn vandlega áður en byrjað er að nota lyfið. Geymið fylgiseðilinn. Nauðsynlegt getur verið að lesa hann síðar. Handhafi markaðsleyfis: McNeil Denmark ApS. Umboð á Íslandi: Vistor hf., Hörgatúni 2, Garðabæ.

# partí

## Hverjir voru hvar

Mikið fjör var á tónleikum frönsku roksveitarinnar Dionýsos í Hafnarhúsinu við Tryggvagötu á laugardaginn var. **Daniel Ágúst Haraldsson** og **Gabriela Friðriksdóttir** létu sig ekki vanta og dilluðu sér í takt við tónana. Annars var heldur hátt hlutfall franskra á sjálfum tónleikunum og þá ekki síst franskir skiptinemar sem mættu til að berja landa sína augum.



Á Kaffibarnum var margt um manninn eins og svo oft áður en meðal gesta voru **Lovísa Elísabet Sigrúnardóttir**, betur þekkt sem söngkonan Lay Low, handbolta-kappinn **Markús Máni**



**Michaelsson Maute**, sem virðist vera búinn að jafna sig eftir erfiða leiki á heimsmeistaramótinu, og **Glúmur Baldvinsson**, upplýsingafulltrúi



Tryggingastofnunar ríkisins.

Sálin hans Jóns mins hélt tónleika á Nasa við Austurvöll um síðustu helgi. **Ásgeir Kolbeinsson**,

Rauði turninn, var á svæðinu ásamt

**Guðmundi Breiðfjörð**, kynningarstjóra Senu, og **Jóni Gunnari Geirdal** sem einnig starfar hjá Senu. Þá sveimaði **Jóhann Sigurðarson** leikari einnig um svæðið.



TALIÐ NIÐUR Gestir Apóteksins töldu niður og fögnuðu nýju ári.



Söngkonan **Heiða**, og **Andrés Pétur** létu sig ekki vanta á Apótekið sem og **Hilmar Bender** og **Laufey** í Blend.

# NÝJA ÁRINU FAGNAÐ Á APÓTEKINU

Það var líf og fjör á Food and Fun hátíðinni sem fram fór í síðustu viku. Hátíðin stóð frá miðviku-dagskvöldi fram á sunnudag og að venju var gerður góður rómur að hátíðinni.

Svokallað nýárspartí var haldið á Apótekinu á fimmtudagskvöldinu og var engu til sparað. Kveikt var á stjörnuljósum, sprengjur fíraðar og að sjálfsgöðu talið niður þegar komið var

að miðnætti.

Margmenn var samankomið á Apótekinu og meðal gesta voru t.d. Þórhallur Gunnarsson úr Kastljósinu, Siggí Hall og kona hans, Svala Jónsdóttir, Andrés Pétur fasteignasali og Heiða söngkona sem sló í gegn í Idolinu.

Í matreiðslukeppni Food and Fun hátíðarinnar sem haldin var í Hafnarhúsinu á laugardagskvöldinu kom sá og sigraði finnski matreiðslu-

Svala Jónsdóttir, eiginkona Siggí Hall, skemmti sér konunglega á Apótekinu ásamt **Robert Wiedmaier** frá Bandaríkjunum.

meistarinn Kai Kalliio. Tólf þekktir kokkar víðs vegar að úr veröldinni elduðu dýrindis rétti úr íslensku hráefni. Kai Kalliio hóf störf við matargerð aðeins fjórtán ára en vinnur nú á Savoy-veitingahúsinu í Helsinki. Meðal rétta sem Kalliio reiddi fram voru humar, lamb og eftirrétur borinn fram í múnínálfa-skríni. Þetta var í sjötta sinn sem hátíðin er haldin.



FURÐUFÓLK Starfsfólk Apóteksins klæddi sig upp í tilefni dagsins og fagnaði eins og um alvöru nýárspartí væri að ræða.



# G-STAR RAW

REYKJAVÍK STORE

LAUGAVEGI 86-94, S: 511-2007

Collection 2007 komið.  
Full búð af nýjum vörum.

Langur laugardagur á morgun, opið til kl. 18. 200 bílastæði í kjallara.



RAW DEFENDER



g-star.com

Var geðveikt  
óánægð

ÉG ER FARIN

Í SPARISJÓÐINN!

Lét gamla bankann

heyra það

#### Við lögum okkur að þínum þörfum

Það er grundvallaratriði að þú sért í góðu sambandi við það fjármálafyrirtæki sem þú skiptir við. Hjá Sparisjóðnum leggjum við mikinn metnað í að veita góða og persónulega þjónustu með hagsmuni og þarfir viðskiptavina okkar að leiðarljósi. Traust og gott samband er farsælt fyrir báða aðila.

FILIP/STIA



[www.spar.is](http://www.spar.is)



SPARISJÓÐURINN

– fyrir þig og þína

# GRUNNURINN LAGÐUR MEÐ GÖMLUM GARDÍNUM

## Birta Björnsdóttir

hefur haft áhuga á tísku frá unga aldri. Hönnun Birtu hefur lengi verið vinsæl á meðal íslenskra kvenna en eftir að sjónvarpstjarnan Ragnhildur Steinunn Jónsdóttir klæddist kjólum Birtu í söngvakeppni sjónvarpsins hefur orðið sprenging.

**É**g hef haft áhuga á tísku frá því ég var lítil og var farin að sauma á mömmu úr gömlum gardinum þegar ég var tíu ára," segir Birta Björnsdóttir í júniform en hönnun Birtu hefur heldur betur slegið í gegn eftir að sjónvarpskonan Ragnhildur Steinunn Jónsdóttir birtist í kjólum hennar í Söngvakeppni Sjónvarpsins. Kjólarnir, sem voru vinsælir fyrir, voru á allra vörum eftir keppnina svo lögin sjálf urðu hreinlega að lúta í lægra haldi. Svo mikið er að gera hjá Birtu þessa daga að hún hefur engan veginn undan að hanna fót á íslenskar konur sem æstar eru í þessa flottu kjóla.

### Kostir og gallar að vinna ein

Birta og vinkona hennar, Andrea Magnúsdóttir, stofnuðu fatahönnun-arkerkið júniform fyrir um fimm árum. Andrea hefur nú snúið sér að öðru og hefur Birta því séð um júniform einsömul í eitt og hálf ár. „Við Andrea byrjuðum í þessu með engin plön og meira til að leika okkur og hafa gaman af. Við vorum tvær ólærðar stelpur að leika okkur að sauma bómullarbolli og lita efni. Síðan hefur þetta mikið þróast," segir Birta en þær stóllur seldu í nokkrar verslanir í Reykjavík til að byrja með. „Fljótlega urðum við leiðar á því að sauma heima enda voru efnin út um allt, saumavélarnar alltaf uppi á borðum og tituprjónar að festast í skóm kærastanna okkar. Þess vegna leituðum við okkur að húsnæði og fundum það hér á Hverfisgötunni. Í fyrstu ætluðum við aðeins að hafa hér vinnustofu en þar sem áhuginn var mikill breyttist húsnæðið fljótlega í verslun." Birta segist hafa verið hálf einmana eftir að Andrea yfirgaf hana enda vön að vinna með öðrum. „Í fyrstu fannst mér þetta alveg ómögulegt en það að vinna ein hefur líka sína kosti. Mér fannst óþægilegt að geta ekki rætt hönnunina og fengið „feedback“ frá henni en í dag er ég vön að vera ein og finnst það fínt þótt það hafi kannski verið skemmtilegra að hafa einhvern með sér í þessu. Ég er núna með góða stelpu í vinnu hjá mér og við vinnum mikið saman og gengur sú samvinna mjög vel."

### Gerði sér ekki grein fyrir sprengingunni

Birta segist aldrei hafa getað trúað



Birta segir að erfitt sé að sameina fyrirtækjarekstur og móðurhlutverkið en hún eignaðist sitt fyrsta barn, Storm Björn, fyrir tveimur árum. Birta telur Íslendinga vera framarlega í fatahönnun en hún hefur hannað fót á falgustu konur landsins sem og leikkonuna Juliu Stiles.

SIRKUSMYND/VALLI.

sprengingunni sem átti sér stað eftir að Ragnhildur Steinunn birtist í kjólum hennar. „Þetta er búið að vera ótrúlegt og tvisvar hef ég þurft að loka versluninni þar sem hún hefur einfaldlega verið tóm. Ragnhildur Steinunn er glæsileg kona en ég gerði mér ekki grein fyrir hversu mikil áhrif hún hefði. Ef ég hefði getað ímyndað mér viðbrögðin hefði ég undirbúið mig betur," segir Birta sem er farin alvarlega að leita sér að framleiðslu-aðilum á erlendri grundu. „Ég er að fá saumakonur og saumastofur til að sauma fyrir mig auk þess sem ég er alltaf að, en það er bara dropi í hafni miðað við eftirspurnina. Ólíkt öðrum merkjum er nánast hver flík einstök og mikill tími á bak við hana og því hentar það illa til fjöldaframleiðslu, þess vegna þarf ekki mikið til að tæma mína litlu búð."

### Kvenlegir og klæðilegir

Það er engin furða að kjólar Birtu hafi vakið svo mikla athygli eins og raun ber vitni því um glæsilega og öðruvísi kjóla er að ræða. Birta segir nokkrar konur hafa beðið um eins kjóla og sáust í söngvakeppninni en slíkir kjólar eru aðeins gerðir í einu eintaki. „Ég hanna undir tveimur merkjum, júniform sem eru nokkur eintök af hverri flík og júník þar sem engin flík er eins. Mér finnst skemmtilegast að leika mér með óvenjuleg snið, hanna út fyrir

rammann og stöðugt vera að finna eitthvað nýtt. Ég reyni að halda fötunum kvenlegum og klæðilegum og hef voðalega gaman af því að vinna með óhefðbundin efni. Óneitanlega fer gífurlegur tími í það að finna þessi efni. Ég hef verið að versla þessi efni alls staðar að úr heiminum, stundum alla leið frá Japan, á mörkuðum, gömlum efnalagerum, mikið í gegnum netið og þegar fjölskyldan fer í frí erlendis hef ég augun alltaf opin."

### Hannar á falgustu konur landsins

Birta er lærdur förðunarfræðingur en færði sig smám saman yfir í fatahönnunina eftir að hafa kennt og starfað sem skólustjóri í förðunar-skóla No name um árabíl. Reglulega skoðar hún tískublöð en innblástur fær hún einnig úr umhverfinu, frá efnunum og hjá vinkonum sínum. Aðspurð um uppáhalds fatahönnuði fer það algjörlega eftir tímabilum. „Gríski hönnuðurinn Sophia Kokosalaki hefur lengi verið í uppáhaldi hjá mér. Á síðasta ári fannst mér Balenciaga standa upp úr og Ann Demeulemeester er að gera það gott í ár." Birta hefur hannað kjóla á margar falgustu konur landsins auk þess sem Hollywood-stjarnan Julia Stiles féll fyrir hönnun hennar er hún kikti í verslunina um árið. Stiles keypti kjól og peysu í



júniform þegar hún var stödd hér á landi við tókur á kvikmyndinni Little Trip to Heaven. Birta hefur þó aldrei séð leikkonuna í fötunum í tímaritum eða sjónvarpi en viðurkennir að það hefði verið skemmtilegt.

### Erfitt að sameina bisnessinn og móðurhlutverkið

Birta og maðurinn hennar eignuðust sitt fyrsta barn fyrir tveimur árum en sonurinn heitir því fallega nafni Stormur Björn. Birta viðurkennir að það hafi verið talsverður höfuðverkur að sameina fyrirtækjareksturinn móðurhlutverkinu og sér í lagi núna þegar svo mikið sé að gera. „Ég er alltaf með hugann við vinnuna og get oft ekki sofnað þar sem það er svo mikið að gerast í hausnum á mér. Það er skemmtilegt að hafa áhuga á vinnunni sinni en ég viðurkenni alveg að ég væri stundum til í að vinna við eitthvað sem ég þyrfti ekki að taka með mér heim á kvöldin. Sonurinn er svo ungur og auðvitað vil ég eyða sem mestum tíma með honum. Áreitið getur verið mikið og ég er oft heldur orkulaus þegar ég kem heim á kvöldin. Ég er þakklát velgengninni en álagið má ekki vera of mikið."

### Með ýmislegt á prjónunum

Þrátt fyrir að Birta hafi gaman af því að reka sitt eigið fyrirtæki segist hún léleg við að taka sénsa. „Ég held

að ég sé frekar léleg bisnesskona," segir hún hlæjandi en bætir við að henni þyki gaman að vera með puttana í þessu. „Í rauninni trúði ég aldrei að ég gæti lifað á hönnuninni og því er þetta algjör draumur," segir hún og bætir við að möguleikarnir og leiðirnar séu margar og fjölbreyttar. „Það væri gaman að koma vörunni á markað erlendis og það er ýmislegt á döfinni," segir hún leyndardómsfull á svipinn.

### Hannar minnst handa sjálfri sér

Birta segir Íslendinga framarlega í tísku og að íslensk hönnun sé á uppleið. „Við erum mjög framarlega í tísku en landið er lítið og þótt margir reyni að vera öðruvísi endum við því miður oft á því að vera öll voðalega svipuð. Það er hins vegar mikil gróska í gangi og mikið af ungu hönnuðum að spretta upp," segir hún. Aðspurð hvort hún verði ekki að eiga suma kjólana sem hún saumi segist hún hálf dofín fyrir framleiðslunni. „Ég er stundum búin að vinna svo mikið með efnin og sniðin að mér finnst ég hafa verið hundrað sinnum í flíkinni þó ég hafi aldrei farið í hana. Samt verð ég þó að segja að það er gaman að eiga hana hannað sínar flíkur sjálf og geng ég mest megnis í minni eigin hönnun," segir Birta glöð í bragði að lokum. [indiana@frettabladid.is](mailto:indiana@frettabladid.is)

### Sparileg en þægileg

„Föt Birtu eru í miklu uppáhaldi hjá mér og mér finnst gaman að fötum sem enginn annar á eins. Fötin eru glæsileg og svala minni glysgirni með glitrandi pallíettum og steinum. Þau eru líka þægileg og ég gat notað mikið af þeim yfir alla meðgönguna þótt þau séu sparileg. Ég hef oft komið fram í fötum frá henni auk þess sem ég gifti mig í kjól frá Birtu."

Selma Björnsdóttir  
söngkona



### Fékk mikla athygli vegna kjólsins

„Ég klæddist kjól frá Birtu þegar ég fór á kvikmyndahátíðina Shooting Star árið 2003. Ég fékk mjög mikla athygli frá stelpunum frá hinum löndunum sem urðu alveg sjúkar þegar þær sáu kjólinn sem var svona prinsessu-þækjól. Eftir það hef ég verið dugleg að kaupa kjóla og allskyns önnur fót frá henni og er mjög ánægð með þau."

Nína Dögg Filippusdóttir  
leikkona



### Birta er í uppáhaldi

„Birta er mitt uppáhald og ég hef gengið í fötum frá henni í mörg ár. Hún hannaði til dæmis brúðkaupskjólinn minn og gerði það alveg ótrúlega vel svo ég treysti henni fyrir öllu. Hún er svo vandvirk í öllum smáatriðum og hugmyndarík og kemur með sniðugar lausnir. Þú færð ekki svona kjóla hvar sem er og því er gaman að geta farið til hennar og fengið flotta kjóla."

Elma Lís Gunnarsdóttir  
leikkona







Laura Skenkur með skúffum **131.900** kr.



Laura Bókahilla **107.200** kr.

# skenkar sófar púðar



Laura Tv skenkur **83.800** kr.



Laura 4ra hurða skenkur **144.300** kr.



Frábært úrval af flottum púðum



3ja sæta leðursófi **107.800** kr.



Leðurhornsófi **199.800** kr.

# LÍNAN

H Ú S G Ö G N

SUÐURLANDSBRAUT 22  
SÍMI 553 7100 • [www.linan.is](http://www.linan.is)

**Lítill og látlaus athöfn**

„Við gengum í það heilaga um verslunarmannahelgina,“ segir Ingibjörg Sólrún Gísladóttir, formaður Samfylkingarinnar, en hún og eiginmaður hennar, Hjörleifur Sveinbjörnsson, höfðu búið saman í tólf ár áður en þau létu þússa sig saman árið 1994. Athöfnin og veislan fóru fram í gróðurskála í Grasagarðinum í Laugardalnum og samkvæmt Ingibjörgu rigndi lítilllega á brúðkaupsdaginn. Spurd um brúðkaupskjólinn segist Ingibjörg hafa keypt sér tvískiptan kjól. „Ég ákvað að kaupa mér kjól sem ég gæti notað við ýmis tilefni enda hafði ég engan áhuga á brúðarkjól sem ég myndi aldrei nota. Þetta var falleg og látlaus athöfn, spilað var á tver þverflautur og aðeins nánustu vinir og fjölskylda viðstödd. Við fórum ekki í neina brúðkaupsferð heldur aðeins út að borða með okkar nánustu vinum um kvöldið,“ segir Ingibjörg og bætir við að séra Karl Sigurbjörnsson hafi gefið þau saman. Ingibjörg segir þau Hjörleif sjaldan hafa hugsað út í brúðkaup öll árin sem þau bjuggu saman ógift. „Við hugsuðum lítið um að formfesta þessa sambúð okkar en þegar þess var gætt að ég ráðlagði öðrum konum að gifta sig svo réttarstaða þeirra væri skýr varð hálf öfugsnúið að ég væri ógift. Við ákváðum að slá til enda vorum við löngu búin að gera það upp við okkur að við ætluðum að ganga saman okkar æviveg og styðja hvort annað og styrkja.“

Ingibjörg Sólrún Gísladóttir og Hjörleifur Sveinbjörnsson á brúðkaupsdaginn.

**Hugsuðu málið í 13 ár**

„Við hugsuðum okkur um í 13 ár áður en við létum loks til skara skriða,“ segir Sigrún Hjálmtýsdóttir söngkona en hún og eiginmaður hennar, Þorkell Jóelsson, gengu í það heilaga hinn 20. júní árið 1987. Sigrún og Þorkell ætluðu sér að flytja búferlum til Ítalíu en þar gátu aðeins hjón leigt íbúð. „Þetta hafði þó staðið til lengi,“ segir hún og bætir við að Ítalíuferðin hafi ýtt á þau. „Dagurinn var ógleymanlegur en athöfnin fór fram í Mosfellskirkju í frábæru veðri sem spillti ekki fyrir. Veislan fór svo fram í félagsheimilinu Fólkvangi á Kjalarnesi.“ Diddú gifti sig í jakka sem saumaður var af Maríu Lovísu en tengdamamma hennar saumaði pilsíð. Í tilefni dagsins fór hún í hárgreiðslu og lét í

fyrsta skiptið á ævinni lakka neglur sínar. „Hárgreiðslan var einföld þar sem ég var með stutt hár en ég var ofsalega fin með hárauðar neglurnar,“ segir hún hlæjandi og bætir við að þau hjónakornin hafi ekki setið á altarinu eins og venjan sé. „Kirkjan var troðfull af gestum og við urðum að sitja á fremsta bekk ásamt foreldrum okkar. Það var varla pláss fyrir okkur,“ segir Diddú og hlær dátt. „Mamma, tengdamamma og systur mínar hjálpuðu mér að útbúa pinnamat og snittur og svo var sungið og dansað í veislunni enda mikið af hæfileikaríku fólki í kringum okkar. Um kvöldið fórum við fint út að borða en þangað komu um 30 bestu vinir okkar svo veislan hélt áfram. Þetta var yndislegur dagur.“



Sigrún Hjálmtýsdóttir og Þorkell Jóelsson.

BRÚÐKAU PSDAGURINN ER EINN ALLRA STÆRSTI DAGURINN Í LÍFI FLESTRA. SIRKUS RÆDDI VIÐ FJÖGUR ÁSTFANGIN HJÓN OG SPURÐI ÚT Í BRÚÐKAU PSDAGINN. ÖLL ERU ÞAU SAMMÁLA UM AÐ DAGURINN HAFI VERIÐ YNDISLEGUR.

# ÓGLEYMANLEGUR YNDISLEGUR DAGUR

**Hafði beðið hennar tvisvar**

„Athöfnin fór fram í Dómkirkjunni og veislan á Kaffi Reykjavík,“ segir Andrés Þór Björnsson, innanhússarkitekt og fyrrverandi Herra Ísland, sem gekk að eiga kærustuna sína, Evu Ingimarsdóttur, sem einnig er innanhússarkitekt, hinn 10. júní í fyrra. Andrés hafði beðið Evu tvisvar áður en þau létu þússa sig saman. „Fyrri bónonðið kom fyrir átta árum þegar við vorum á leiðinni til Akureyrar en Eva er að norðan. Í Borgarfirðinum stoppaði ég bílinn og batt fyrir augu hennar en ég hafði komið fyrir kampavíni, jarðarberjum og hringunum á fallegum stað. Síðan fórum við út í nám og ekkert varð að brúðkaupinu svo ég skellti mér á skeljarnar aftur í Milánó og þá var þetta skothelt,“ segir hann brosandi. Andrés og Eva héldu partí í brúðkaupsveislunni og voru sjálf síðust til að yfirgefa fjörið. „Þetta var frábær endir á frábærum degi. Við höfðum gíst hvort í sínu lagi daginn fyrir brúðkaupið svo ég sá Evu ekki í kjólnum fyrr en í kirkjunni og hún var stórglæsileg. Um kvöldið leigðum við hljómsveit og barinn var opinn alla nóttina. Um fjögurleytið róltum við svo á svítuna sem við höfðum leigt okkur.“ Spurdur um brúðkaupsferð segir Andrés að öll fjölskyldan hafi farið saman til Mallorca. „Við eigum tvö börn, strák sem er tveggja ára og sjö ára dóttur. Við tókum þau með okkur í týpíska og notalega fjölskylduferð til Mallorca.“



Andrés Þór Björnsson og Eva Ingimarsdóttir giftu sig í Dómkirkjunni í Reykjavík.

**Keypti brúðkaupskjólinn mörgum árum áður**

„Dagurinn var alveg yndislegur en athöfnin fór fram í Háteigskirkju,“ segir Halldóra Björnsdóttir leikkona sem giftist eiginmanni sínum, Úlfari Lúðvíkssyni, 28. ágúst árið 1999. Um litla og notalega athöfn var að ræða þar sem aðeins nánustu fjölskyldu var boðið. Spurd um bónonðið segir Halldóra að Úlfar hafi ekki farið niður á hnén. „Hann gaf mér hins vegar svo fallega hálsfesti þegar hann kom úr ferðalagi frá Kína um vorið að ég ákvað að giftast honum,“ segir hún en þau höfðu verið saman í tólf ár áður en þau létu þússa sig saman. Halldóra hafði fjárfest í brúðkaupskjólnum nokkrum árum áður og hálsfestin smellpassaði við kjólinn. „Ég sá kjólinn í búðarglugga á Laugaveginum og fannst hann svo fallegur. Ég greiddi mánaðarlega inn á hann þangað til ég eignaðist hann en svo var hann geymdur inni í skáp þangað til við höfðum ákveðið daginn. Úlfar vissi aldrei neitt um kjólinn,“ segir Halldóra brosandi og bætir við að dagurinn hafi verið yndislegur. „Þrátt fyrir að athöfnin hafi verið lítil var þetta allt svo hátíðlegt og æðislegt.“

indiana@frettabladid.is

Haldóra Björnsdóttir og dætur hennar á brúðkaupsdaginn.



**15%**  
**afsláttur**  
**alla helgina**

60% afsláttur af útsöluvörum á Laugaveginum

FRIIS  COMPANY

Kringlan • Laugavegur 55

# Hollywood Hanna

## Minnir hann á einhvorn?

Hinn bráðskemmtilegi þáttur Ugly Betty hefur loksins hafið sýningar á Íslandi. Þátturinn fjallar um norðalega stelpu sem fær starf sem aðstoðarkona ritstjóra tískublaðs í New York. Þættirnir hafa farið sigurför vestanhafs og America Ferrera, aðalleikkona þáttarins, hefur unnið hver



Freyr Eyjólfsson, útvarpsmaðurinn knái, þykir sláandi líkur Eric Mabius.

fyndasta við þáttinn er það að einn aðalleikarinn í þættinum, ritstjórinn sjálfur minnir óneitanlega mikið á Frey Eyjólfsson, útvarpsmann á Rás 2, og ekki er það leiðum að líkjast því báðir eru þeir stórmyndarlegir. Það er Eric Mabius sem fer með hlutverk ritstjórans. Endilega tékkið á þættinum og gerið síðan upp hug ykkar.



Natalie Portman og Gael García Bernal koma út af hóteli í Berlín á dögunum. Mörg íslensk hjörta verða kramin með þessari mynd.

## Segðu að þetta sé ekki satt!

Natalie Portman og Gael García Bernal sáust koma saman út af hóteli í Berlín á dögunum. Það eina sem hægt er að segja við þessu er nei! Af hverju eru þau byrjuð að hittast aftur? Hann er orðinn Íslandsvinur og margar íslenskar stelpur eflaust búnar að láta sig dreyma um að kynnast kappanum næst þegar hann kemur til landsins. Lífið getur verið svo óréttlátt.



Melanie Brown er komin sex mánuði á leið.

## Eddie Murphy er hálfviti

Djöfull hlýtur Melanie Brown, betur þekkt sem Scary Spice, að líða illa. Eddie Murphy dömpaði henni um leið og hún var ófrísk eftir hann og svo neitar hann að hafa verið með henni. Kappinn var varla hættur með Mel er hann byrjaði að hitta aðra konu. Nú situr Mel litla uppi ein og ófrísk. Við vitum öll að Eddie var að ljúga og er algjör hálfviti. Framinn gengur voða vel hjá honum núna um þessar mundir. Vonandi heldur honum áfram að ganga vel svo að



# AÐALDJAMMIÐ Í HOLLYWOOD



KOSS Á KÆRASTANN Petra Nemcova kysir kærasta sinn, James Blunt.



TJILLAD Leikkonan Kristen Dunst og bróðir hennar létu fara vel um sig í Vanity Fair-veislunni.



BRÁÐMYNDARLEGIR William Dafoe og Adrien Brody slógu á létta strengi á Óskarskvöldinu.



ÞÚ ERT SNILLINGUR Madonna hrósar leikaranum Forest Whitaker fyrir frammistöðu sína í kvikmyndinni The Last King of Scotland. En hann hefur sópað að sér hverjum verðlaununum á fætur öðrum fyrir frammistöðu sína.



SÚPERKONUR Nicole Kidman, Meryl Streep, Mary J. Blige og Oprah tóku sig vel út saman.

UMVAFÐIR DROTNINGUNNI Helen Mirren var svo sannarlega í stuði, enda aðaldama kvöldsins. Jamie Foxx og Vince Vaughn virtust þó eitthvað súrir.



Háskólanemar í SKO eru ánægðir með lífið.

# „Fáranlega ódýrt!“

Ungur háskólanemi segist hálf undrandi á símreikningum sínum eftir að hann skipti yfir í SKO.

„Ég var að borga alltof mikið fyrir símnótun og var eiginlega kominn í hálfgerðan vitahring. Eftir að ég skráði mig í SKO hefur allt breyst. Núna á ég alltaf smá pening afgangs um mánaðarmótin og ef ég tel allt árið þá er ég að spara heilan helling. Svo losnar maður líka við að fá þessa reikninga heim. Stór plús.“

## Slóvenar krýndir sigurvegarar Eurovision 2007

Mikil fagnaðarlæti brutust út í Austur-Evrópu þegar tilkynnt var að samningar hefði náðst um úrslit í Eurovision næstu árin. Samningaviðræður milli austantjaldsþjóðanna hafa staðið í nokkur ár og var aðalþræufnið hvaða land ætti að vinna fyrst. Loksins var ákveðið að draga og kom nafn Slóveníu fyrst upp úr hattinum. Því næst var varpað hlutkesti til að skera úr um hvort ætti að fara rang- eða réttsælis hringinn um Austur-Evrópu og varð réttsælis ofan á. Þau tíðindi glöddu Króata sem munu fagna sigri í Eurovision 2008 en Ungverjar sitja eftir með sárt ennið. Þeir munu ekki vinna fyrr en árið 2298, síðastir Austur-Evrópuþjóða.



þegar þetta barn fæðist geti Mel kært hann og hirt allan peninginn hans. Já, Eddie, þetta hetir karma. Þér var nær að ljúga.

### Hún blómstrar, hann ekki!

Vá, hvað Reese Witherspoon lítur vel út. Hún hefur greinilega verið að huga vel að sjálfri sér undanfarna mánuði. Reese mætti á Óskarsverðlaunahátíðina og gjörsamlega blómstraði. Sumir segja að hún hafi borið af. Ekki er hægt að segja það sama um fyrrverandi eiginmann hennar, Ryan Phillippe, sem skellti sér í eftirpartíin. Hann var í einu orði sagt mjög tussulegur og virðist ekki blómstra á sama hátt og sú fyrrverandi. Kannski hann þurfi bara að skella sér aftur til Íslands til að lyfta sér upp?

**Reese Witherspoon heillaði alla á Óskarsverðlaunahátíðinni. Hún hefur sjaldan litið jafn vel út.**



**INNILEG STUND**  
Beyoncé og Gwyneth Paltrow eru orðnar góðar vinkonur. Hér sjáum við mjög innilega og sæta stund.



**NEI, HÆ ÞÚ HÉR!** Clive Owen spjallar við latnesku gyðjurnar Miu Maestro og Penelope Cruz.

www.volkswagen.is



4 Gb iPod Nano fylgir öllum nýjum Volkswagen Fox.

## Fox iPod Bluetooth

Í Volkswagen Fox er iPod-tengi svo þú hefur upphaldstónlistina þína alltaf við höndina. 4 Gb iPod Nano fylgir öllum nýjum Fox-bílum. Hann er líka með Blátannarbúnaði (Bluetooth) þannig að þú getur talað handfrjálst við alla sem þú þarft að ná í.

Volkswagen Fox reyndist öruggasti bíllinn í sínum stærðarflokki í nýlegu árekstrarprófi ADAC í Þýskalandi og fékk fjórar stjörnur af fimm mögulegum.

Svo er Fox náttúrulega flottur, lipur og

**kostar bara 18.790 kr. á mánuði.\***

Komdu og prófaðu hann.



\*M.v. 50.000 kr. útborgun og bílasamning SP Fjármögnunar í 84 mánuði. Verð 1.390.000 kr.

Umboðsmenn um land allt: Höldur hf., Akureyri, sími 461 6020 · HEKLA, Borgarnes, sími 437 2100 · HEKLA, Ísaför, sími 456 4666 · HEKLA, Reyðarför, sími 470 5100 · HEKLA, Reykjanesbae, sími 420 5000 · HEKLA, Selfossi, sími 482 1416 · HEKLA, Laugavegi 172-174, sími 590 5000 · www.hekla.is, hekla@hekla.is

# Tala meira. Borga minna.

**0,00** kr./mín.  
Hringt í SKO GSM-síma

**14,90** kr./mín.  
Hringt í aðra GSM- og heimasíma

**SMS 4,90** kr.  
í alla GSM-síma á Íslandi

**www.sko.is**

SKO býður jafngóða GSM-þjónustu og hin símafyrirtækin, innanlands og erlendis. Eini munurinn er lægra verð! Það kostar EKKERT að færa GSM-símanúmerið til SKO. Þú skráir þig í þjónustuna á [www.sko.is](http://www.sko.is).



**SKO**  
ÓDÝRA SÍMAFÉLAGIÐ

# helgin

## Við mælum með



„Ég mæli með La Primavera veitingahúsi sem býður ítalskan mat á heimsmeiðkvarða. Nú þegar Food and Fun stendur sem hæst er tilvalið að bregða sér af bæ og prófa ítalskt eldhús hjá Leifi og gestakokkinum sem þar verður. Nammi namm.“

Steinunn Valdís Óskarsdóttir fyrrv. borgarstjóri



„Ég mæli með Pétri Gaut, sýningu Þjóðleikhússins, væri gaman að sjá hana líka á ensku! Einnig mæli ég með Berlínarborg, kvikmyndinni Babel, Alkemistanum eftir Paulo Coelho og íslenskum hestafeðum. Enn fremur mæli ég sterklega með því að gleðjast yfir því smáa, hugsa fallega til náungans og að finna hamingjuna innra með sér.“

Ólöf Rún Skúladóttir fréttamaður



„Ég mæli með að allir drífi sig í Hafnarfjarðarleikhúsið að sjá Abbababb. Þetta er stórskemmtileg sýning, fjörug og myndin, og höfðar ekki síður til fullorðinna. Frábær skemmtun.“

Tinna Hrafnadóttir leikkona



„Ég mæli með tigrisrækjunum á Thorvaldsen, ótrúlega ljúffengar og góðar í munn og maga – mæli með því að allir verði hættr að reykja fyrir reykþann í sumar og að lokum mæli ég með því að allir skelli sér á leikritið Bar þar sem sýnt er á Nasa.“

Guðlaug Elisabet Ólafsdóttir leikkona

## Hvað á að gera um helgina?

„Á föstudagskvöldið ætla ég að bregða á leik með Vinum vors og blóma fyrir FSU. Ætli við strákarnir fáum okkur ekki humar á veitingastaðnum Við fjöruborðið áður. Á laugardaginn ætla ég út að hjóla með gríslingunum mínum, ferðin endar sennilega á heitu kakói og Pétri Pan. Sunnudagsmorgunn fer í andleg málefni fyrir hádegi, bakstur og að lokum í að undirbúa annasama viku.“

Bergsveinn Áriússon söngvari



„Ég ætla að halda upp á afmæli ellefu ára sonar míns í Keiluhöllinni. Reynslan hefur sýnt mér að Keiluhöllin í Öskjuhlíð er staðurinn fyrir krakka til að skemmta sér. Þar spila þeir keilu, fá pitsu og upplifa eintóma gleði. Hef haldið afmælisveislu þar áður og aldrei upplifað aðra eins hamingju bæði hjá gestunum og afmælisbarninu. Klikkar ekki.“

Elly Ármanns þula



„Ég er eiginlega ekki búin að ákveða hvað ég geri um helgina en ég reikna með að borða góðan mat og hitta fjölskyldu og vini. En annars væri gaman ef eitthvað óvænt kæmi upp.“

Ásthildur Helgadóttir knattspyrnukona

„Um helgina ætla ég að byrja á að mæta í vinnuna á laugardaginn, en þá er ég að vinna í enska boltanum á SkjáSport. Eftir vinnu ætla ég að skella mér upp í sumarbústað og slaka á uppi í sveit. Fer örugglega í göngutúr, ef það er gott veður, elda góðan mat, spila og eitthvað kósi. Það er svo gott að vera í sveitinni.“

Gunnhildur Helga Gunnarsdóttir



## PÁLL ÓSKAR SEGIR EINAR BÁRÐARSON VERA TEPRU

# EF JÓGVAN VÆRI HOMMI MYNDI ÉG BJÓÐA HONUM Á DEIT



Jógvan væri búinn að fá tilboð um deit frá Palla ef hann væri „gay“.

Óskar Hjálmtýsson, dómari í sjónvarpsþættinum X-factor.

Einar Bárðarson, kollegi Páls Óskars í X-Factor, sakaði hann um kynferðislega áreitni í viðtali sem birtist í Sirkus fyrir viku síðan. Í viðtalinu sagði Einar: „Rétt eins og ef ég myndi tala um kvenkyns keppendurna eins og Páll talar um strákana þá væri ég náttúrulega í skýrslutöku hjá Stigamótum og ég væri líklega á leið út úr Smáralind í handjárnnum.“ sagði Einar í viðtalinu við Sirkus. „Páll er bara með kynferðislega áreitni og öllum finnst það voðalega sætt. Jógvan á í stórum vandræðum þarna uppi því Páll lætur hann ekki í friði. Auðvitað á þetta að vera voða fyndið en mér finnst þetta vera komið gott.“

Páll Óskar þvertur fyrir það að vera með kynferðislega áreitni. Segist hafa sagt mun verri hluti við Elly, þriðja dómara í X-Factor, enda hafi

þau eldað saman grátt silfur alla þættina.

„Ef ég man rétt sagði ég við Jógvan að hann væri með svo þægilega söngródd að ég gæti hugsað mér að hlusta á hana heima hjá mér á sunnudögum og svo getum við gert allt hitt á virkum dögum,“ rifjar Páll Óskar upp og skilur ekki alveg hvert Einar Bárðarson er að fara „Mér finnst það vera tvöföld skilaboð hvernig Einar bregst við Jógvani miðað við allt það sem ég hef látið flakka um Elly. Ég er ekki stoltur af því sem ég sagði um hana.“

Páll Óskar neitar því þó ekki að Jógvan sé heillandi drengur. „Hann er fullorðinn karlmaður og getur tekið þessu. Hann hefur húmor fyrir þessu sjálfur,“ segir Páll. „Mér finnst Jógvan alveg rosalega sætur og ef hann væri hommi væri ég búinn að bjóða honum á deit. Það er bara staðreynd lífsins. Jógvan hefur ákveðna gjöf sem hann er að gefa áfram í þessum þáttum. Við höfum meira að segja staðið í svipuðum sporum. Ég hef fengið athygli frá kvenþjóðinni í mínu starfi og fæ hana enn þann dag í dag. Og þær konur sem eru skotnar í mér mega alveg vera það í friði. Staðreyndin er hins vegar sú að Jógvan er „straight“ og það mun aldrei neitt fara í gang á milli okkar að sama skapi og ég er „gay“ og það mun aldrei fara neitt í gang á milli mín og kvenkynsaðdáenda minna.“

Páll segir að Einar hafi brugðist illa við því að missa Sigga kafein út úr keppninni en það var fyrsti keppandinn sem Einar missti. „Þessar ákúrir hans um að ég og Elly værum í samsæri gegn honum eru svo fjarri lagi. Ég hef haft mikið álit á honum en ég missti það næstum því eftir þetta. Ég gæti ekki hugsað mér að vera með umboðsmann sem bregst svona við minnsta mótlæti.“

## REGÍNA KOMIN Á GELGJUSKEIÐIÐ

Það má kannski segja að Regína sé komin á gelgjuskeiðið og sé frekar illa haldin,“ segir Sigurbjörg Alma Ingólfssdóttir sem fer með eitt af aðalhlutverkunum í söngleiknum Sextán sem nemendamótsnefnd Verslunarskóla Íslands stendur fyrir. Sigurbjörg Alma er

Íslendingum að góðu kunn en hún lék Regínu í samnefndri söngva- og dansamynd.

„Regína var frumsýnd fyrir sex árum,“ segir Sigurbjörg Alma sem var tíu að verða ellefu þegar hún lék Regínu. Nú er hún hins vegar að verða sautján og komin í framhaldsskóla.

„Í Regínu lék ég lék eiginlega á

móti leikaralandsliðinu; Baltasar Kormáki, Halldóru Geirharðs og Rúrik Haraldssyni sem er dáinn núna. Það var rosalega gaman að leika í myndinni og mikil reynsla fyrir mig, sem hefur hjálpað mér mikið í sýningunni núna.“

Eftir Regínu fór minna fyrir Siddý en áður. Hún tók þó þátt í hæfileikakeppninni Skrekk en svo lá leiðin í Versló.

„Mig hafði alltaf langað til að fara í Versló, alveg frá því að ég var lítill. Það

voru margar vinkonur systur minnar sem höfðu verið í skólanum og eftir að ég hafði farið í kynningu í skólanum var ég staðráðin í að fara í hann,“ segir Siddý sem hreppti



REGÍNA Sigurbjörg Alma lék Regínu í samnefndri dans- og söngvamynd sem Margrét Örnólfsdóttir gerði.



SIDDÝ Það hefur verið í nógu að snúast hjá Siddý og félögum í Sextán enda nánast uppselt á allar sýningar. Krakkarnir hafa þó ekki fengið fri frá skólanum. „Það hefur bara verið harkan sex við að læra heima á milli æfinga og sýninga,“ segir Siddý.

strax eitt af stóru hlutverkunum í Sextán.

„Ég leik Alfi sem er leiðinlega „bitchið“ í Versló sem er með sætasta stráknum. Hún er moldrík og hundleiðinleg við alla enda illa haldin af unglingaveiki.

Siddý segir að henni sé töluvert strítt á því að hafa leikið í Regínu, jafnvel þótt langt sé um liðið frá því myndin var sýnd. „Fólk þekkir mig

betur undir Regínu nafninu en Siddýjar nafninu. Það er þó vonandi að ég losni við Regínu nafnið í framtíðinni - verð vonandi kölluð mínu rétta nafni,“ segir Sigurbjörg sem stefnir að því að starfa við söng og leiklist í framtíðinni. „Ég hef verið í námi í Söngskóla Reykjavíkur síðast liðin fjögur ár og draumurinn nú er að starfa við þetta í framtíðinni. Að getað lifað af listinni.“

LEITIN ER Á ENDA



*HYPE*



TÍSKUVÖRUVERSLUNIN  
HENNAR



*HYPE*

LAUGAVEGI 83  
SÍMI 517 6650

A woman with blonde hair, wearing a white, textured, double-breasted coat, stands with her arms crossed. The background is a muted grey-blue with a pattern of small white stars, butterflies, and dragonflies. The overall aesthetic is soft and elegant.

Vor 2007

maia

kvenföt húsbúnaður tónlist bækur barnaföt fylgihlutir undirföt

laugavegur 86-94, sími 552 6066